



Digitized by the Internet Archive
in 2010 with funding from
Boston Public Library

59

L'HERACLITE

FRANCOIS.

AV ROY,

Sur la Closture des Estats.

M. DC. XV.

Acc 84-546(59)

THE RACLETTE

FRANCIS

AN ROY

THE RACLETTE

AN ROY

L'HERACLITE

FRANÇOIS,

AV ROY,

Sur la Closture des Estats.

OV les souspirs, mon cœur, ou sont ces souspirs entrecoupez, que le ressentiment des ruines de nostre bon pays desrobe à vostre compassion: où les larmes, mes yeux, ou sont ces charitables larmes, que vous espandez tous les iours a ondées de regret de la lascheté de nos bons François, *Pauvre Heracrite*, qui ne sors iamais de ta maison, que les larmes aux yeux, & les sanglots sur la leure, tirez du profond de ton cœur, trauaille de desplaisir de nostre vanité: que dis-tu de l'heureuse illuë de nos Estats: De tous les costez des maisons de nos bazanez, on sent l'odeur des parfums, qui brulent, on voit par tout des bouquets pendus en actions de graces, & satisfaction de leurs crimes, on oit le son des luths & des flutes, ce ne sont que chants d'allegresse, & tous signes heureux d'une douce resiouyssance: qu'en dis-tu? las, Helas, que ie n'ay vn grand, mais funeste subject de pleurer plus que ne fit

iamais mon ayeul, des folies de ceux de son siecle.

Il est vray, il faut, que ie le die, le conseil qui fit prendre à nos Princes & autres bons François la resolution d'assembler les Estats, estoit esclos d'une grande prudence, d'un saint zele, & genereux courage, & le succes en pouvoit estre heureux: si, (pardon belles ames qui vous estes comportées genereusement) on n'eust mis pour vn avant mets vn plat de pistoles à l'Espagnolle pour le decert de quelques Depu- rez? Mais quoy: quel moyen de regarder sans estre charmé l'esclat de ce mestail; la pluye d'or faussa la tour d'airain & viola la virginité de Dacæ, si estroittement gardée, la desdaigneuse Atalante, s'arresta au milieu de sa course, char- mee de la beauté de trois pommes d'or. Et le ra- meau d'or donna à Enée ouuerture au sombre Royaume de Pluton: Mais, Messieurs, qui a- uez vos consciences chargées de ce vice, pour vn dernier Adieu agréés que ie vous die que nous ne sommes pas nez pour nous, ains pour nostre païs, que les lois nous redemenderont vn iour compte de nous pour leur interest, & que comme deserteurs de nostre charge nous en serons punis, hélas que i'en pleure.

Les grandes entreprises, Genereux Princes, sont tousiours accompagnées des grandes tra- uerses, vostre glorieux zele alloit celebrer vo- stre gloire si vos ennemis jaloux de vostre hon- neur n'eussent compromis de nostre bon- heur & de nostre repos: Hélas que i'en pleure, mais

courage, croyez moy, tout vient à point qui peut attendre; quand vn extreme souffrance d'un peuple genereux, vient à se desindüier, elle produit des vengeance plus grandes, car prenant feu tout à coup elle iette tous ses efforts à la premiere charge? Las, hélas que i'en pleure, & que ie crains qu'à ce iour de courroux, la cire d'Icare ne le fonde à ce feu, les cordages del'hanchre ne se rompent à ce violent orage, & la sagesse de nos vieux Gaulois n'en soit à Guillot le songeur: La France, ie le croy, comme l'innocente Andromede, est exposée aux monstres de quelque malheur; mais elle doit sa deliurance à Persée, à nostre Condé, & les Cieux doiuent ioindre son zele à vostre valeur, & fortifier son espée, des vostres: & bien que le desordre de ce temps semble m'é demeurir, toutesfois ie croy que la prouidence diuine a assez de ressorts & nouueaux secrets pour deliurer la France des menaces de la ruine.

Mais encore, Messieurs, nos Criminels, *Repetundarum*, & *lesæ Maiestatis*, vous pouuez vous persuader, que si l'impunité de vos crimes a esté fauorisée par l'indulgence ou crainte de nos Deputez? Las que i'en pleure, que vous en deuez rire, Messieurs, attendez la fin de la farse, ie pourrois dire que si la fortune, couure, defend, & honore nos crimes, & que si nous nous sauons de la loy, que les iugements naturels, & la crainte qui sont des peines secondes, vous deuroient retenir de rire; mais, Messieurs, croyez moy, la peine suit de bien pres le

peché, elle n'aist à l'instant avec le péché; qui-
conque l'attend, la souffre, & quiconque l'a
meritée l'attend; Les Dieux donnent souuent
quelque delay, parce que leur clemence con-
trepointe leur Iustice, & comme il n'y a plus de
remede aux coups de leurs mains. Ils aiment
mieux differer pour vn temps, afin que les mes-
chans ayent loisir de se recognoistre: Ainsi à la
fin comme tous les bons François ont partagé
aux trauaux, & à la gloire de ce grand Henry,
ils ont aussi tous part au ressentiment de l'assas-
sinat commis en sa personne, & par consequés
en prendront la vengeance; Helas, que i'en
pleure, pleurez, larmoyez avec moy vous tous,
qui auez traistreulement espanché le sang de
nostre grand Henry, de nostre bon Pere, pleu-
rez vous aussi qui vous ioüez du bas aage de
ses enfans, & de l'autorité de nostre jeune
Roy, Helas que i'en pleure?

Mon Dieu! que ie croye que le Ciel ne le-
ue bien tost le rideau pour nous faire voir les
personnages, qui ont ioüié ceste sanglante tra-
gedie, ie ne le puis, car la verité, quoy qu'ob-
scurcie par le nuage du temps, avec le temps se
met au iour, comme les rayons du Soleil rom-
pent les plus obscures & espesses tenebres: C'e-
stoit ce que les anciens Prestres des Idoles sem-
bloient signifier, quand sacrifiants à leurs
Dieux, ils ne decouuroient la teste qu'au sacri-
fice de Saturne, auquel ils attribuoient la veri-
té, pour monstrier que comme, ils se decou-
uroient en sacrifiant à ce Dieu, qu'aussi la veri-

té à la fin se decouure , & pourquoy ils la croyoient fille du temps? & que ie ne croiray qu'à ce grand iour les bons François ne soient à ces traistres, comm'vn Cambises enuers les Sisanes, vn Angelilaus enuers les Thessaliens, & vn Antigone enuers les Marsias, & que tout ne ruisselle du sang de ces meurtriers, & de ces parricides : ie le doibs puis que le sang se purge par le sang; Mais que i'en pleure.

Que ie croye aussi que ce desordre dure long temps: que les petites planettes passent par le chemin, ou passe le Soleil: que l'estranger procede en honneur ceux qui sont du païs. Non ie ne le puis croire: car comme la Noblesse de Rome ietta les anneaux d'or quand elle vit que Flavius affranchy d'Appius estoit pourueu de l'estat d'Edile Curule, qu'on donnoit seulement aux seigneurs les plus signalez en merites & en seruices, Aussi ie crains que tant de braues & genereux courages perdent patience; Il est vray, c'est vne belle gloire de faire du bien, mais il faut regarder le merite de la personne, en ce qui regarde l'honneur? Auguste Cesar estoit liberal en dons enuers ceux qui le meritoient, mais il estoit espargnant des putes recompenses d'honneur, d'autant que l'honneur est vn priuilege qui tire sa principale essence de la rareté & de la vertu mesme; il n'est plus en son aduantage, s'il est passé en coustume: Car les loyers d'honneur n'ont d'autre prix que cettuy-cy. Q U E P E U D E
G E N S en iouissent, & puis il faut que ce

soit le payement d'un Capitaine fameux, &
 d'une experience belliqueuse, & qui soit enco-
 re de condition accommodable à vne telle di-
 gnité, car il ne faut pas loger vn Pisandre au
 rang des genereux couragés, d'autant qu'ils ne
 daignent s'aduantager de ce qu'ils ont de com-
 mun avec de gens de peu en ces charges rele-
 uées tel compagnon en diminuë le merite? Et
 quoy n'est-ce pas raualer la gloire de ceux, d'où
 le bras a honoré leur renommée du los de mil-
 le valeureux exploits, de l'associer avec celuy,
 des exploits duquel personne n'a cognoissan-
 ce, & desquels la nuict seule peut rendre quel-
 que resmoignage, pource qu'ils ont eu honte
 de paroistre au iour, quelle grace, de voir vñc
 des plus belles & importantes charges de l'E-
 stat entre les mains des personnes qui iamais
 n'ont paru aux armes: iamais n'ont mis la main
 à l'espée, iamais endossé cuirasse, ny peut-estre
 picqué cheual: il ne faut pas que les lieux ho-
 norent les personnes: mais les personnes les
 lieux, il faut que l'honneur de ces belles char-
 ges reialisse plustost de la vertu à la personne,
 que de la personne à la vertu: Au moins si ces
 ames, à qui la fortune est si favorable, faisoit
 quelque belle saillie d'honneur. Et si comme ce
 Romain, mocqué de son nom, dict qu'il ren-
 droit le nom des Cicerons plus illustres que
 ceux des Catons, des Catulles; ny des Scaures,
 commençoient à se mettre sur le bien faire, &
 si comme les Romains, qui portoient le nom
 du bestail qu'ils nourrissoient, estans cepen-
 dant

dant trestous nourris à l'honneur, se releuoient & se mettoient sur selle l'espée au poing au premier tantare de trompette : Helas ie n'en pleurerois pas ! Mais arrestez-vous la tireur l'aisné, du Marquisat, n'aspirez pas à la Duché, de peur qu'apres auoir esté fait Baron de la plume, Marquis d'Anchre, vous ne soyez Duc de papier, & ne prestiez la plume & l'anchre pour escrire sur ce papier la memorable histoire du progrez de vostre fortune, las que i'en pleute.

Et encore que ie croiray, que si par la facilité de plusieurs de nos Deputez : l'aliance d'Espagne a esté confirmée, que nous n'ayons encore des Condez, des Neuers, des Longueuilles, des Vandosmes, des Luxambourgs des Turennes, des Rouans, & des Desdidieres : qui auront l'œil au bois & aux menées qu'on pourroit faire sous ce beau pretexte d'Amour, aux desauantage, & aux ruines de cet Estat : ô que ie le croy bien, Ouy braues Athletes, tous nourris sous les palmes de vos ancestres, & sous les lauriers de vostre gloire, ie le croy ; Et puis que vous estes le seul rempart de la grandeur de vostre ieune Roy, & la seule tour d'airain qui n'a peu estre percée par la force de cet or de Castille, i'espere que vous ioindrez à la grandeur de vostre zele, le merite de vostre valeur, Ainsi representez vous tousiours au deuant de vos ambitions le seruice de vostre ieune Roy, & l'honneur de vostre patrie, & si c'est vn arrest du destin, que la gloire de cet Estat ne doive pas long temps fleurir, faiçtes que le fer, ou le

feu de l'ennemy en soit la ruine, plustost que
 ces menées, & ces corruptions, s'il nous faut
 estre miserables qu'il n'y aye point de crime, at-
 taché à nostre misere, s'il nous arrive des infor-
 tunes, que ce soit sans les attirer sur nous par nos
 fautes, pour le moins il nous sera permis à lors
 de les plaindre en public, nous n'auront point
 subiect de les taire ny de honte meslée parmy
 les larmes que nous en ietterons; Ainsi comme
 les Thiriens enchainèrent la statuë d'Appollô
 avec cellé d'Hercule qui estoit leur protecteur,
 afin que si dauanture Appollon offensé de leurs
 crimes, s'en vouloit aller, il fust arresté, car ils
 croyoient que leurs Dieux s'en alloient inuo-
 qués par les estrangers, aussi, puisque nous
 voyons que l'estranger pour attirer les Dieux
 tutelaires de nostre bon heur tache de les cor-
 rompre, attachons les à Hercule, ie veux dire
 à la valeur de nostre espée, representons nous
 la valeur du genereux sang de ceux, dont nous
 auons tiré la naissance, armons nous, du mes-
 me courage, dont ils ont terrassé tant de fois
 cet ennemy de nostre gloire, & ne laissons per-
 dre l'honneur, que nous ont acquis nos an-
 cestres, autrement ie pleure. Helas, Messieurs,
 ne voyez vous pas vostre grand Henry, vostre
 genereux Hercule, sur le Pont-neuf à cheual
 armé de toutes pieces, le visage tourné vers le
 Palais qui demande Iustice & de sa mort &
 de ses ruines qu'on dresse à son Estat. He-
 las prenez sa cause, ô Faançois, ô bons Fran-
 çois, ses iustes regrets veulent, que vos armes

vengent sa mort, & les ruines de cest Estat, joignez les vostres à celles que la douleur semble luy auoir fait prendre apres sa mort, secourez son deuil de vos forces, afin qu'avec vostre aide vne pieuse vengeance appaise l'ombre de ce braue traistreusement meurtry; Nous sommes tous Dieux, disoit vn certain, quand nous auôs le cœur d'entreprendre ce que nous desirons, il faut oser beaucoup pour nous rendre la fortune fauorable, ne luy denions donc ce dernier deuoir, autrement ie pleure, ie pleure.

Tout beau, tout beau, Messieurs nos criminels, ne tiez pas encore de la closture de nos Estats. Dieu manie, les fortunes & infortunes de ce monde, selon sa disposition occulte, l'hiver à ses glaces, comme l'esté, les chaleurs, & l'air intemperé traîne les malignes influences; il n'est pas temps de rite, croyez-moy, les fortunes les plus esleuées penchent tousiours du costé de leur ruynes & les fleaux du Ciel, tombent sur ces testes orgueilleuses, qui en la vaine image, ou en l'ombre plustost d'un bon hœur passager se figurent d'inuidables felicitéz, les charmes d'une bonne fortune sont perilleux, le pere d'Alexandre trouble au milieu de ses succes: Ouy, Messieurs, la prosperité nous charoüille, afin de nous faire trouuer plus rude la mer de l'aduersité, qu'elle ameine en queue, & se seruir de nous mesme pour la faire aduancer, & la hautesse de nostre fortune ne sert que pour d'autant plus nous rendre sensibles à la douleur, & nous faire tomber de plus haut,

L'aduis que donna sur ce subiect Simonides à Pausanias, d'auoir tousiours le souuenir de sa naissance deuant les yeux, estoit pour rerrancher à sa vanité l'occasion de se perdre : Helas, ie pleure quand ie remets en memoire la tragique fin de l'eureux Policrates, & quand ie vois que pour vn contr'eschange de tant de bon hœur la fortune luy prepare vn cordeau pour le pendre.

Mais, ce pendant, Messieurs nos bons Princes, si vous ne prenez garde à vous maintenir, on perdra la crainte de vostre autorité : Ne vous apperceuez-vous point combien vostre souffrance a diminué de vostre pouuoir, Les parolles femelles vous brauent, l'escritoire en faict de mesme : car il affecte de les imiter & se flatte d'esperances toutes pareilles, si vous auez quelque soing de vous mesme, si l'ambition de nostre grandeur vous touche, seruez-vous de vostre autorité, c'est celle qui vous doit faire recognoistre : & qui ! aujourd'hui l'orgueil sera-il desbordé si outrageusement, qu'il suscite des geans, qui bouffis de presumption, veulent aller planter leur enseigne au dessus des lambris fleurdelisez, pour s'asseoir aux sieges des habitans des Cieux, las, Helas que i'en pleure.

Mais, encore, que i'en pleure, de voir que la pieté, & la pitié couchées par terre sont maintenant foulées aux pieds, que le remede de nos Estats soit pire que le mal, si lors qu'on respondra aux cayers, on n'apporte au public quelque

retranchement de tant de foule, & de tant de subſides, que de cris du pauvre peuple que j'entends, ie n'entends que ces triftes lamentations nos Deputez nous ont delaiſſez, Ha! j'en pleure, & ie voudrois que le bruiſt fuſt plus grand que le mal, mais contre mon deſir, & avec mon regret, Ie treuve que le mal excede le bruiſt, Grand Dieu, zelé protecteur de la gloire de ceſte Monarchie detournez les deſſeins qu'on peut dreſſer aux ruynes de cet eſtat, gaudiſſez ce coup, & ne permettez que le ſacré feu de veſta ſoit eſtaint, donnez-nous le temps de voir noſtre ieune Roy, en eſtat de recognoiſtre ceux qui ſont ſerviteurs de ſon eſtat, de pouvoir venger des armes de ſon juſte courroux, le cruel parricide de ſon pere, & pour l'heur de ſes armes nous redonner noſtre ancien bon hœur, mettre ce grand corps en repos, & par des ordonnances plus equitables, que celle de nos Eſtats, reigler & reformer ce grand, & general deſordre, Helas, mais cependant, que pleurs, que de larmes.

Pauvres ſubieſts, ie voudrois par mes conſolations eſleuer la conſtance de vos ames, pour allegger l'aigreur de voſtre mal, vous avez ſubieſt de vous affliger; Mais quoy: il n'y a que le temps qu'y puiſſe remedier? Courage, la nuit porte en trouſſe le iour, la tempeſte le calme & la bonaſſe, les maux ont leur Ameu, comme les biens leur inconſtance, & peut eſtre à ceſte reſponce qu'on doit faire aux Caiels de vos Deputez, la compaſſion plaide-

ra pour vostre misere? & puis jettez les yeux de vostre ame sur mille maux semblables que vous auëz par le passé soufferts, & vous esprouuerez qu'un tel obiect adoucira le fiel de vos douleurs? Vous ne pouuez blasmer nos Princes sinon d'auoir esté trompez sous les esperances qu'on leur donnoit, qu'aux eslections des Deputez les voix ne seront violentées, que les Deputez seroient entiers, & sans passion, qu'à l'assemblée des Estats on auroit liberté de parler? Helas que de pleurs, & de larmes, si on eust parlé: Mais quoy! comme la Luberne tire à soy tous les animaux par son odeur, cachant la laideur de son regard, pour mieux les surprendre, Helas i'en pleure, de voir comme me les faux amis de cet Estat, pour conduire leurs ruineux desseins à leur fin, par de belles protestations de bonne volonté, & apparances du bien public, apres auoir faict poser les armes à nos Princes ont tant faict (pour leuer le plus grand obstacle qui s'opposoit à leurs menées) qu'on a tenu les Estats à Paris, où ils ont avec aisance par la timidité de nos Deputez, qui erroient estre comme en prison, tiré party de leurs passions, las, mais las, que i'en pleure!

Mais quoy! n'est-il pas vray qu'il faut porter sur le front ce qui est en l'esprit, comme dit Plotin, que le visage n'est qu'une ame racourcie, & comme son escusson a plusieurs quartiers, que les graces non assises, mais plantées, non écrites, mais burinées sur nos fronts, ne

doivent trahir, ny falsifier la bonté de nature, qui de son vray coing, a imprimé nos naturels sur nos fronts mesmes. Mais, Helas, que i'en pleure; tout a degeneré, le front nous trompe la parole, & tout nostre faict n'est composé que de pieces faulses, & comme vn Ethiopien disoit contre les parfums & la pourpre des Perles, que les huilles & habillemens des Perles estoient trompeurs, trompeuses sont aussi les figures du parler tout y est enuélé, & tournoient à l'environ, rien de clair, ny de fin, comme les peintres qui rendent les choses claires plus pparentes & plus eminentes par les ombres qu'ils mettēt à l'entour, Helas que i'en pleure, vous en pleurez aussi braue Bourbon, & comme par droict de primauté & d'affection, vous auez interest à l'estat, aussi vous deuez pleurer d'ouyr tant de lamentables clameurs, tascher d'y apporter quelque lenitif: & en vn mot releuer par vostre prudence ceste panchante couronne; vous auez esté trompé en la creance que vous auiez que les ennemis de cet estat faisoient par raison, & par la consideration du bien public, ce qu'ils n'ont faict, que pour aduantager leurs pernicioeux desseins; Il est vray, l'exterieur a trompé vostre zele: mais quoy! deuant que s'embarquer, vous deuez pour recognoistre le vêt, ne deployer qu'un bout des voiles, & l'ayant recogneu sans hazard voguer apres en assurance sur ceste mer: Mais quoy! pardon à vostre zele, vos considerations par trop sages offensent vostre qualité,

& trahissent vostre merite : croyez-moy , les destins ont reserué à vostre bras vainqueur la gloire des ruynes des ennemis de la grandeur de cet Empire, vous estes le fleau destiné des harpies de cet estat & du parricide de nostre Grand Henry, quelle raison donc vous fait retarder, la gloire des seruices que vous deuez à vostre ieune Roy, & à la memoire de ce grand Henry, l'iniure qui luy a esté faicte nous doit animer naturellement à la vengeance ou nous degenererions de la valeur & du courage de nos predecesseurs, & puis si la voix du peuple, est la voix de Dieu les cieux irritéz de ce cruel assassinat , & des ruynes de ceste Monarchie ourdissent leurs disgraces & vous promettent de la gloire à leur desaduentage, Helas, que ie pleure que cela ne soit: Et vous braues Princes, braues François, Braue de Neuers, qui sans decry voyez vostre reputation à prix courant par tout le monde, & qui comme le Roy Atheas, n'aymes d'autre harmonie que les hannissements de cheuaux & fanfares de Mars, & vous braue de Longueuille, qui autant ennemy de l'estrange que vos predecesseurs ont esté animez à leur ruyne, à ces premieres orées de vostre courage, paraissez non traissant l'aisle en terre, non avec le pied droict d'une tortue, mais porté sur l'air d'une genereuse ambition, & à qui l'attendre fasche plus que le combattre, & vous braue Vendosme qui digne heritier des genereuses vertus du pere, ne desires auoir d'autres escussions, ny d'autres armoiries de vostre valeur,

que les playes d'un esthomas bresché de coups
 & vous Braue Luxembourg, qui sorty de la ti-
 ge des plus grands Empereurs du monde, tous
 zelez au seruice de cet Estat, suiuez pas à pas
 leurs traces, croyez que l'honneur de vos a-
 ctions & du zele que vous au. z voué au bien
 de ceste Monarchie, ne se peut escrire, que de
 vostre sang. Et vous tous qui n'au. z à la
 bouche, ny sur le cœur, que *viue le Roy, vi-
 ue la France*: Escoutez la priere que la France
 vous fait pour son ieune Roy: *Cher sang de mon
 sang, heureux enfans, par lesquels ie m'estime heu-
 reux, enfans qui seuls releuez mon courage, & me
 donnez des forces, permettez vous qu'on deschire
 le sein de vostre mere, Helas ie pleure, secourez vo-
 stre Mere, Messieurs, & reparez la faute de nos
 Deputez.*

*Audiat hæc Iupiter, qui fœdera
 fulmine sancit.*

[The page contains faint, illegible handwriting, likely bleed-through from the reverse side.]

1. The first part of the paper is devoted to a review of the literature on the topic.

